

ACTA 17/19

SESIÓN ORDINARIA DA XUNTA DE GOBERNO LOCAL

- 21 DE OUTUBRO DE 2019 -

Na sala de Xuntas da Casa Consistorial, sendo as catorce horas e cinco minutos do día 21 de outubro de 2019, reuníronse en primeira convocatoria os/as señores/as concelleiros/as que de seguido se relacionan, baixo a presidencia do sr. alcalde, D. Rafael C. Sisto Edreira, co obxecto de celebrar a sesión ordinaria correspondente ao día da data, para a que foron debidamente convocados/as.

Presidente:

D. Rafael Carlos Sisto Edreira

Concelleiros/as:

D.^a Iria Otero Romero

D.^a María López Álvarez

D.^a Uxía Lemus de la Iglesias

D.^a M^a Josefa Argibay da Silva

Non asiste, previa escusa:

D. Roberto Moñino Gil

Arquitecto: D. Ignacio Soto González

Secretaria: D.^a Virginia Fraga Díaz, que dou fe do acto.

ORDE DO DÍA:

- 1. LICENZAS URBANÍSTICAS**
- 2. AUTORIZACIÓNS DE OCUPACIÓN DE DOMINIO PÚBLICO**

3. PROPOSTA DA ALCALDÍA DE APROBACIÓN DE BASES DA CONVOCATORIA DAS AXUDAS DE ENSINO E TRANSPORTE 2019-20

4. PROPOSTAS DA ALCALDÍA

5. ROGOS E PREGUNTAS

Co quórum establecido polas disposicións legais vixentes para a válida constitución da Xunta de Goberno Local, o sr. alcalde declara aberto o acto, pasando a tratar os asuntos incluídos na orde do día que figura na convocatoria, que son os seguintes:

1.- LICENZAS URBANÍSTICAS.

Dada conta dos expedientes que se atopan pendentes de resolución, e vistos os informes técnicos e xurídicos, a Xunta de Goberno Local por unanimidade dos seus membros presentes e por delegación da Alcaldía (Decretos de 3 de xullo de 2019 (res. 522/2019 e 526/2019)), acorda conceder a seguinte relación de licenzas. As licenzas outórganse deixando a salvo o dereito de propiedade e sen prexuízo de terceiro. Condicionadas ao cumprimento da normativa aplicable. Pagarán os interesados os importes da liquidación de dereitos devengados polos expedientes respectivos que será notificada por Secretaría e logo de acreditado o pagamento polo interesado expediranse as licenzas.

As obras executaranse de acordo coas condicións que en cada caso se establecen, segundo os informes técnicos:

1.1. A JOSÉ MANUEL BARROS SENÍN, licenza para legalización das modificacións realizadas durante a execución das obras de construción dunha vivenda unifamiliar, en Lamas, nº 5, parroquia de Cacheiras, R.C.: 15083A515003550000KM (Expte. electrónico 2019/U022/000038), segundo proxecto redactado pola arquitecta Mary Sol Magdalena Rodríguez.

Expediente núm: **40/2019**

Autorízase o solicitado coas seguintes condicións:

- A obra executada deberá axustarse estritamente ao proxecto en base ao cal se lle outorga a licenza, presentado o 24 de setembro de 2019 (rex. entrada nº 6586), redactado pola arquitecta Mary Sol Magdalena Rodríguez, visado no colexio oficial de arquitectos con data 5 de agosto de 2019.

Nas obras que se executasen sen licenza ou con inobservancia das súas condicións serán sancionadas por infracción urbanística as persoas físicas ou xurídicas responsables delas en calidade

de promotor das obras, propietario dos terreos ou empresario das obras, e os técnicos redactores do proxecto e directores das obras.

Parámetros da obra permitidos:

- Clasificación do solo: ORDENANZA N2, Núcleo rural expansión
- Usos: VIVENDA UNIFAMILIAR
- Arquitecto/a director/a das obras: Mary Sol Magdalena Rodríguez
- Arquitecto/a técnico/a director/a: Serafín Vigo García
- Coordinador/a de seguridade e saúde: Serafín Vigo García
- Edificabilidade: 0,21 m²/m²
- Altura máxima: B+1, 7,00 m.
- .Posición da edificación:
 - Ocupación máxima: 17 %
 - Recuamento á aliñación: 6,15 m. á aliñación oficial
 - Recuamento a lindeiros: 5,09 m

Pendente máxima de cuberta: 23°

Altura do cumio: 2,50 m.

Aproveitamento baixo cuberta: Non

Prazas de aparcamento: 2 praza

-Presuposto: 1.100,00 €.

Apróbanse as seguintes liquidacións:

- Imposto sobre construcións, instalacións e obras (provisional): 22,00 €.
- Taxa pola expedición de licenza urbanística: 60,00 €.

Total: 82,00 euros.

1.2. A ISAAC FUDILI MORENO, licenza para legalización das modificacións realizadas durante a execución das obras de construción dunha vivenda unifamiliar, en Cachóns, nº 10, parroquia de Oza, R.C.: 15083A142000710000TE (Expte. electrónico 2019/U022/000037), segundo proxecto redactado polos arquitectos Oscar e Ivan Andrés Quintela.

Expediente núm: **41/2019**

Autorízase o solicitado coas seguintes condicións:

- A obra executada deberá axustarse estritamente ao proxecto en base ao cal se lle outorga a licenza, presentado o 18 de outubro de 2019 (rex. entrada nº 7123), redactado polos arquitectos Oscar e Ivan Andrés Quintela, visado no colexio oficial de arquitectos con data 17 de setembro de 2019.

Nas obras que se executasen sen licenza ou con inobservancia das súas condicións serán sancionadas por infracción urbanística as persoas físicas ou xurídicas responsables delas en calidade

de promotor das obras, propietario dos terreos ou empresario das obras, e os técnicos redactores do proxecto e directores das obras.

Parámetros da obra permitidos:

- Clasificación do solo: ORDENANZA N1, Núcleo rural tradicional
- Usos: VIVENDA UNIFAMILIAR
- Arquitecto/a director/a das obras: Oscar e Ivan Andrés Quintela
- Arquitecto/a técnico/a director/a: Francisco Fernández Novas
- Coordinador/a de seguridade e saúde: Francisco Fernández Novas
- Edificabilidade: 0,12 m²/m²
- Altura máxima: B+BC, 4,15 m.
- .Posición da edificación:

Ocupación máxima: 8,74 %

Recuamento á aliñación: 5,68 m.

Recuamento a lindeiros: 7,69 m

Pendente máxima de cuberta: <30°

Altura do cumio: <4,00 m.

Aproveitamento baixo cuberta: Non

Prazas de aparcamento: 1 praza

-Presuposto: 0,00 €.

A) LICENZAS URBANÍSTICAS-PRIMEIRA OCUPACIÓN.

1.3.- Escrito presentado por José Manuel Barros Senín, en data 10 de xuño de 2019, con rexistro de entrada no Concello núm. 201900000003776 (Expte. electrónico 2019/U007/000010), no que solicita licenza de primeira ocupación.

Visto o informe favorable do arquitecto municipal de data 10 de outubro de 2019, o informe xurídico de Secretaría de data 17 de outubro de 2019, e demais documentos obrantes no expediente.

En virtude do exposto a Xunta de Goberno Local, por unanimidade dos seus membros presentes e por delegación da Alcaldía (Decretos de 3 de xullo de 2019 (res. 522/2019 e 526/2019)) acorda:

Primeiro.- Conceder a **JOSÉ MANUEL BARROS SENIN**, a LICENZA DE PRIMEIRA OCUPACIÓN (**expte O-530-10/2019**), para unha vivenda unifamiliar, en Lamas, nº 5, parroquia de Cacheiras, R.C.: 15083A515003550000KM, segundo obras executadas en base á licenza municipal núm. 35/16, concedida pola Xunta de Goberno Local en sesión de data 06.06.2016.

A licenza outorgase deixando a salvo o dereito de propiedade e sen prexuízo de terceiro.

Segundo.-Aprobar as seguintes liquidacións:

-Taxa pola expedición de licenza urbanística - primeira ocupación: 120,00 €

I.4.- Escrito presentado por Irene Gómez-Ibarlucea Traba, en data 22 de marzo de 2019, con rexistro de entrada no Concello núm. 201900000001858 (Expte. electrónico 2019/U007/000005), no que solicita licenza de primeira ocupación.

Visto o informe favorable do arquitecto municipal de data 15 de outubro de 2019, o informe xurídico de Secretaría de data 17 de outubro de 2019, e demais documentos obrantes no expediente.

En virtude do exposto a Xunta de Goberno Local, por unanimidade dos seus membros presentes e por delegación da Alcaldía (Decretos de 3 de xullo de 2019 (res. 522/2019 e 526/2019)) acorda:

Primeiro.- Conceder a **IRENE GÓMEZ-IBARLUCEA TRABA**, a LICENZA DE PRIMEIRA OCUPACIÓN (**expte O-525-11/2019**), para unha vivenda unifamiliar, en Cachóns, nº 10, parroquia de Oza, R.C.: 15083A142000710000TE, segundo obras executadas en base á licenza municipal núm. 26/16, concedida pola Xunta de Goberno Local en sesión de data 21.03.2016.

A licenza outorgase deixando a salvo o dereito de propiedade e sen prexuízo de terceiro.

Segundo.-Aprobar as seguintes liquidacións:

-Taxa pola expedición de licenza urbanística - primeira ocupación: 90,00 €

I.5.- Escrito presentado por Natalia Salgado González, en data 2 de xullo de 2019, con rexistro de entrada no Concello núm. 201900000004524 (Expte. electrónico 2019/U007/000011), no que solicita licenza de primeira ocupación.

Visto o informe favorable do arquitecto municipal de data 16 de outubro de 2019, o informe xurídico de Secretaría de data 17 de outubro de 2019, e demais documentos obrantes no expediente.

En virtude do exposto a Xunta de Goberno Local, por unanimidade dos seus membros presentes e por delegación da Alcaldía (Decretos de 3 de xullo de 2019 (res. 522/2019 e 526/2019)) acorda:

Primeiro.- Conceder a **NATALIA SALGADO GONZÁLEZ**, a LICENZA DE PRIMEIRA OCUPACIÓN (**expte O-531-12/2019**), para unha vivenda unifamiliar, na Rúa Ledín, nº 72, parroquia de Calo, R.C.: 15083A514015650000KG, segundo obras executadas en base á licenza municipal núm. 41/15, concedida pola Xunta de Goberno Local en sesión de data 05.10.2015.

A licenza outorgase deixando a salvo o dereito de propiedade e sen prexuízo de terceiro.

Segundo.-Aprobar as seguintes liquidacións:

- Taxa pola expedición de licenza urbanística - primeira ocupación: 120,00 €
 - .-Incremento ampliación baixo cuberta: 12.500,00 euros (Tipo: 2%)
- Imposto sobre construcións, instalacións e obras: 250,00 €

1.6.- Escrito presentado por M^a de los Ángeles Varela Sanmartín, en data 1 de outubro de 2019, con rexistro de entrada no Concello núm. 201900000006739 (Expte. electrónico 2019/U007/000015), no que solicita licenza de primeira ocupación.

Visto o informe favorable do arquitecto municipal de data 16 de outubro de 2019, o informe xurídico de Secretaría de data 17 de outubro de 2019, e demais documentos obrantes no expediente.

En virtude do exposto a Xunta de Goberno Local, por unanimidade dos seus membros presentes e por delegación da Alcaldía (Decretos de 3 de xullo de 2019 (res. 522/2019 e 526/2019)) acorda:

Primeiro.- Conceder a **MARÍA DE LOS ÁNGELES VARELA SANMARTÍN**, a LICENZA DE PRIMEIRA OCUPACIÓN (**expte O-535-13/2019**), para unha vivenda unifamiliar, na Rúa Ignacio Varela, nº 8, parroquia de Reis, R.C.: 7147403NH3374N0001EQ, segundo obras executadas en base á licenza municipal núm. 5/16, concedida pola Xunta de Goberno Local en sesión de data 01.02.2016.

A licenza outorgase deixando a salvo o dereito de propiedade e sen prexuízo de terceiro.

Segundo.-Aprobar as seguintes liquidacións:

- Taxa pola expedición de licenza urbanística - primeira ocupación: 90,00 €

B) LICENZAS URBANÍSTICAS-CORRECCIÓN DE ERRO.

1.7.- Visto o escrito presentado por **CARMEN DOLORES JORGE MORA**, de data 15 de outubro de 2019, con rexistro de entrada no concello número 201900000007027, no que solicita a corrección dos erros detectados, en canto á dirección da vivenda, referencia catastral da finca e data do visado do proxecto, no texto da licenza urbanística nº 25/2019 (Expte. electrónico 2019/U022/000017), concedida pola Xunta de Goberno Local en sesión de data 15 de xullo de 2019, para construción dunha vivenda unifamiliar, en O Sisto, nº 20, parroquia de Cacheiras, R.C.: 15083B503022730000SW.

Considerando o disposto no artigo 109.2 da Lei 39/2015 de 1 de outubro, do procedemento administrativo común das administracións públicas.

En virtude do exposto a Xunta de Goberno Local, por unanimidade dos seus membros presentes e por delegación da Alcaldía (Decretos de 3 de xullo de 2019 (res. 522/2019 e 526/2019)) acorda:

Primeiro.- Rectificar os erros detectado no acordo da Xunta de Goberno Local de data 15 de xullo de 2019, de xeito que:

Onde pon: “O Sisto, nº 20”, **debe poñer**: “O Sisto, nº 20 A”.

Onde pon: “R.C.: 15083B503022730000SW”, **debe poñer**: “R.C.: 15083B503021360000SE”.

Onde pon: “visado no colexio oficial de arquitectos con data 8 de maio de 2019”, **debe poñer**: “visado no colexio oficial de arquitectos con data 8 de maio de 2019 e as súas modificacións con data de visado 17 de xuño de 2019”.

Segundo.- Ordenar a devolución do expediente ao Departamento de Urbanismo para a xestión do mesmo.

2.- AUTORIZACIÓNS DE OCUPACIÓN DE DOMINIO PÚBLICO.

2.1.- PROPOSTA DA ALCALDÍA DE AUTORIZACIÓN DE OCUPACIÓN DE DOMINIO PÚBLICO A NEDGIA GALICIA, S.A. (rex. entrada nº 201999900000555 do 04/09/2019)

Dáse conta aos membros da Xunta de Goberno Local da proposta da Alcaldía de 9 de outubro de 2019 que se recolle a continuación:

“PROPOSTA CONCELLEIRA DE URBANISMO

Vista a solicitude presentada por Celestina López Morte, en representación de NEDGIA GALICIA, S.A., de 4 de setembro de 2019 (rex. entrada nº 201999900000555), para que se lle outorgue autorización para a ocupación do dominio público para poder levar a cabo unha acometida, para subministro de gas natural canalizado en Cesar, nº 17, parroquia de Calo, S/R.: GDE41019080001.

Considerando que segundo o artigo 3 do R.D. 1372/1986, do 13 de xuño, polo que se aproba o Regulamento de bens das entidades locais (en adiante, RBEL), as redes de condución e canalización de gas son bens de dominio público.

Considerando que a utilización dos bens de dominio público rexese polos artigos 74 e seguintes do Regulamento citado, diferenciándose, no artigo 74, entre uso común, xeral e especial, uso privativo, uso normal e uso anormal.

Considerando que as instalación de redes de gas supoñen un uso común especial normal do dominio público suxeito a licenza (SSTS de 17 de outubro de 1978 e 9 de outubro de 1985).

Considerando que o artigo 77 do RBEL dispón que o uso común especial se suxeitará a licenza, “axustada á natureza do dominio, ás actas da súa afectación e apertura ao uso público e aos precepto de carácter xeral”.

Considerando que, tal e como dispón o parágrafo 2 do artigo citado, as licenzas outorgaranse directamente, “salvo se por calquera circunstancia se limitara o número das mesma, en cuxo caso outorgaranse por licitación”, circunstancia esta última que non concorre no expediente ao que se refire a presente.

Considerando que se constituíu garantía suficiente aos efectos da reparación dos posibles danos que a execución das obras poidan ocasionar na vía pública (rex. entrada nº 6900, de 08/10/2019).

En virtude do exposto, e de acordo cos Decretos da Alcaldía de 3 de xullo de 2019 (res. 522/2019 e 526/2019), propónse á Xunta de Goberno Local a adopción do seguinte acordo:

Primeiro.- *Outorgar a Celestina López Morte, en representación de NEDGIA GALICIA, S.A., licenza para a ocupación do dominio público (expte. O.D.-30/2019) para poder levar a cabo unha acometida, para subministro de gas natural canalizado en Cesar, nº 17, parroquia de Calo, S/R.: GDE41019080001, de acordo co solicitado con data de 4 de setembro de 2019 (rex. entrada nº 201999900000555).*

Segundo.- *Notificar o presente á interesada con sinalamento dos recursos procedentes.”*

Á vista da proposta transcrita, a Xunta de Goberno Local, por unanimidade dos seus membros presentes e por delegación da alcaldía (Decretos de 3 de xullo de 2019 (res. 522/2019 e 526/2019)), acorda:

Primeiro.- **Outorgar a Celestina López Morte, en representación de NEDGIA GALICIA, S.A., licenza para a ocupación do dominio público (expte. O.D.-30/2019) para poder levar a cabo unha acometida, para subministro de gas natural canalizado en Cesar, nº 17, parroquia de Calo, S/R.: GDE41019080001, de acordo co solicitado con data de 4 de setembro de 2019 (rex. entrada nº 201999900000555).**

Segundo.- **Notificar o presente á interesada con sinalamento dos recursos procedentes.**

2.2.- PROPOSTA DA ALCALDÍA DE AUTORIZACIÓN DE OCUPACIÓN DE DOMINIO PÚBLICO A ANTONIO FIGUEROA LORENZANA (rex. entrada nº 201900000007051 do 15/10/2019).

Dáse conta aos membros da Xunta de Goberno Local da proposta da concelleira de urbanismo de 16 de outubro de 2019 que se recolle a continuación:

“PROPOSTA CONCELLEIRA DE URBANISMO

Vista a solicitude presentada por Antonio Figueroa Lorenzana, de 15 de outubro de 2019 (rex. entrada nº 201900000007051), para que se lle outorgue autorización para a ocupación do dominio público para construír un acceso á parcela nº 1575 de concentración de Cacheiras (de monte), canalizando a cuneta cunha tubaxe de 40 cm. de diámetro ao longo de 5 m. de lonxitude e unha soleira de formigón armado de 15 cm. de espesor.

Considerando que segundo o artigo 3 do R.D. 1372/1986, do 13 de xuño, polo que se aproba o Regulamento de bens das entidades locais (en adiante, RBEL), as redes de abastecemento e saneamento son bens de dominio público.

Considerando que a utilización dos bens de dominio público rexese polos artigos 74 e seguintes do Regulamento citado, diferenciándose, no artigo 74, entre uso común, xeral e especial, uso privativo, uso normal e uso anormal.

Considerando que as instalación de redes de abastecemento e saneamento supoñen un uso común especial normal do dominio público suxeito a licenza (SSTS de 17 de outubro de 1978 e 9 de outubro de 1985).

Considerando que o artigo 77 do RBEL dispón que o uso común especial se suxeitará a licenza, “axustada á natureza do dominio, ás actas da súa afectación e apertura ao uso público e aos precepto de carácter xeral”.

Considerando que, tal e como dispón o paragrafo 2 do artigo citado, as licenzas outorgaranse directamente, “salvo se por calquera circunstancia se limitara o número das mesma, en cuxo caso outorgaranse por licitación”, circunstancia esta última que non concorre no expediente ao que se refire a presente.

Considerando que se constituíu garantía suficiente (mediante transferencia bancaria da entidade Abanca, en data 15/10/2019) aos efectos da reparación dos posibles danos que a execución das obras poidan ocasionar na vía pública.

En virtude do exposto, e de acordo cos Decretos da Alcaldía de 3 de xullo de 2019 (res. 522/2019 e 526/2019), propónse á Xunta de Goberno Local a adopción do seguinte acordo:

Primeiro.- *Outorgar a Antonio Figueroa Lorenzana, licenza para a ocupación do dominio público (expte. O.D.-33/2019) para construír un acceso á parcela nº 1575 de concentración de Cacheiras (de monte), canalizando a cuneta cunha tubaxe de 40 cm. de diámetro ao longo de 5 m. de lonxitude e unha soleira de formigón armado de 15 cm. de espesor, de acordo co solicitado con data de 15 de outubro de 2019 (rex. entrada nº 201900000007051).*

Segundo.- *Notificar o presente ao interesado con sinalamento dos recursos procedentes.”*

Á vista da proposta transcrita, a Xunta de Goberno Local, por unanimidade dos seus membros presentes e por delegación da Alcaldía (Decretos de 3 de xullo de 2019 (res. 522/2019 e 526/2019)), acorda:

Primeiro.- **Outorgar a Antonio Figueroa Lorenzana, licenza para a ocupación do dominio público (expte. O.D.-33/2019) para construír un acceso á parcela nº 1575 de concentración de Cacheiras (de monte), canalizando a cuneta cunha tubaxe de 40 cm. de diámetro ao longo de 5 m. de lonxitude e unha soleira de formigón armado de 15 cm. de espesor, de acordo co solicitado con data de 15 de outubro de 2019 (rex. entrada nº 201900000007051).**

Segundo.- **Notificar o presente ao interesado con sinalamento dos recursos procedentes.**

3.- PROPOSTA DA ALCALDÍA DE APROBACIÓN DE BASES DA CONVOCATORIA DAS AXUDAS DE ENSINO E TRANSPORTE 2019-20.

Dáse conta aos membros da Xunta de Goberno Local da proposta da alcaldía de 18 de outubro de 2019 que se recolle a continuación:

“PROPOSTA DA ALCALDÍA

ASUNTO: Convocatoria de axudas para o ensino e o transporte do Concello de Teo 2019/2020

Téndose redactado as Bases reguladoras da Convocatoria de Axudas de Ensino e Transporte para o curso académico 2019/2020 e unha vez emitido o informe de fiscalización pola Intervención Municipal en data 18/10/2019, propoño á Xunta de Goberno Local, a adopción dos seguintes acordos:

Primeiro.- Aprobar as bases da convocatoria de axudas para o ensino e o transporte 2019/2020 que de seguido se reflicten:

(...)

Segundo.- Ordenar a publicación das citadas bases no Boletín Oficial da Provincia, así como no taboleiro de edictos do Concello e na páxina web municipal.”.

Á vista da proposta transcrita, a Xunta de Goberno Local, por unanimidade dos seus membros presentes e por delegación da alcaldía (Decretos de 3 de xullo de 2019 (res. 522/19 e 526/19), acorda:

Primeiro.- Aprobar as bases da convocatoria de axudas para o ensino e o transporte 2019/2020 que de seguido se reflicten:

BASES REGULADORAS DA CONVOCATORIA DE AXUDAS PARA O ENSINO E O TRANSPORTE DO CONCELLO DE TEO 2019/2020

• **Primeira. Obxecto da convocatoria.**

O obxecto das presentes bases é regular a convocatoria pública que efectúa o Concello de Teo para a concesión de bolsas de estudo para os gastos de material escolar, libros de texto e contidos dixitais destinados a favorecer a escolarización pública e formación universitaria en familias con menos recursos económicos.

• **Segunda. Destinatarios/as e requisitos.**

Para ser beneficiario destas axudas é preciso cumprir os seguintes requisitos:

a) Cursar estudos nalgún dos seguintes centros de ensino para os que se solicita a axuda:

-PRIMARIA E INFANTIL: todos os centros públicos do Concello (CEIP A Ramallosa, Os Tilos, Calo e CRA)

-ESO: IES de Cacheiras e Pontepedriña e alumnado que curse noutro IES algunha modalidade de ESO que non exista nos centros anteriores.

-FP OU PCPI: calquera centro público

-BACHARELATO: IES de Cacheiras , IES de Pontepedriña e o alumnado que curse noutro IES algunha modalidade de Bacharelato que non exista nos centros anteriores.

-UNIVERSITARIOS: calquera universidade galega.

-ENSINANZAS DE RÉXIME ESPECIAL-ENSINANZAS ARTÍSTICAS SUPERIORES: Calquera centro galego.

-O ALUMNADO cuxas necesidades educativas especiais impidan a súa escolarización nun centro ordinario do municipio, poderá solicitar a axuda para a asistencia a un Centro de ensino de Educación Especial, aínda que non estea localizado no Concello.

- b) Que a renda per cápita familiar non supere os límites establecidos na base sexta da presente convocatoria.
- c) Estar empadroado no Concello de Teo e ser fillo dependente economicamente. Non pode beneficiarse destas axudas o alumnado que non sexa dependente economicamente. Consideraranse fillos dependentes economicamente os menores de 25 anos e que convivan no domicilio familiar a 31 de decembro do ano inmediato anterior a aquel no que comeza o curso escolar para o que se solicita a axuda sempre que non teñan un contrato de traballo ou percibiran recursos (agás bolsas) durante o ano 2019.
- d) Presentar certificado de matrícula (ou resgardo de ter pagada a matrícula, selado pola entidade bancaria) do/a alumno/a para o curso 2019/2020 (agás alumnos/as de Primaria, Infantil e ESO).
- e) Cumprir os requisitos para obter a condición de beneficiario, recollidas nos artigos 13 da Lei 38/2003, do 17 de novembro, Xeral de Subvencións e 10 da Lei 9/2007, do 13 de xuño, de Subvencións de Galicia.
- f) As axudas serán solicitadas polos representantes legais do alumnado: os pais, as nais ou os titores, e no caso de alumnos/as de entre 18 e 25 anos poderán facelo tamén os propios beneficiarios.
- g) Poderán ser beneficiarios da axuda de transporte os estudantes dos centros situados fóra da área de transporte metropolitano de Santiago. Alumnado de:
 - a. Formación Profesional .
 - b. PCPI.
 - c. Universitarios.
 - d. Alumnado de Bacharelato.
 - e. Alumnado de ensinanzas artísticas superiores.

• **Terceira. Solicitudes e documentación necesaria.**

Documentación obrigatoria:

- a) As solicitudes para a concesión destas axudas formalizaranse no impreso normalizado que se inclúe como Anexo I e poderá así mesmo obterse nas oficinas xerais (Rexistro de Entrada) do Concello de Teo ou ben a través da páxina web: www.teo.gal
- b) Xunto coa solicitude, no modelo normalizado e debidamente cuberto, presentarase a seguinte **documentación**:
 - ✓ Fotocopia do DNI do solicitante.

- ✓ Fotocopia do libro de familia no que figuren todos os membros da unidade familiar.
- ✓ Fotocopia da declaración da renda correspondente ao exercicio 2018 dos pais ou titores legais. No caso de non estar obrigado a presentar a declaración do IRPF, copia da notificación-liquidación ou certificado acreditativo do nivel de rendas emitido pola Axencia de Administración Tributaria que corresponda. Excepcionalmente, se a unidade familiar alega carecer de recursos, ou quere acreditar unha situación excepcional, imprevista ou de carácter de especial necesidade que afecte negativamente á situación familiar ou no caso de percibir pensións non contributivas deberá acreditarla mediante informe social. Nos casos de separación ou divorcio estase ao previsto na Base 6ª para a determinación dos membros da unidade familiar. Os fillos entre 18 e 25 anos inclusive, que perciban rendas e non figuren na declaración da renda dos pais aínda que residan con eles, deberán acreditar os seus rendementos e computarán como ingresos da unidade familiar.
- ✓ No caso de presentar solicitudes para varios irmáns, non é necesario duplicar documentación.
- ✓ Facturas **orixinais ou copia cotexada, ou no seu caso certificado selado do gasto en material expedido polo centro educativo**, que acrediten o gasto realizado en material escolar, libros ou contidos dixitais para o alumnado de primaria, infantil e E.S.O. Dado o carácter finalista das axudas desta convocatoria, en ningún caso, o importe da axuda concedida polo Concello poderá ser superior ao gasto realizado polo/a beneficiario/a. En consecuencia, de ser necesario, realizarase o oportuno axuste na cantidade da axuda concedida en cada caso. Se se detectasen facturas falsas ou fraude na declaración dos datos facilitados se perderá o dereito a obter as axudas en anos seguintes.
- ✓ Certificado da matrícula expedido polo centro educativo ou resgardo de ter pagada a matrícula, selado pola entidade bancaria para o alumnado de Bacharelato, F.P., PCPI, universitarios, ensinanzas artísticas superiores, alumnado con necesidades educativas especiais, e aqueles alumnos que estean cursando ESO noutra modalidade distinta das impartidas no IES de Cacheiras e de Pontepedriña.
- ✓ **Declaración responsable** de atoparse ao corrente coas obrigas tributarias e da Seguridade Social, de non estar incurso/a en ningunha das prohibicións para obter a condición de beneficiario/a de subvencións públicas e de estar ao corrente no cumprimento de obrigas por reintegro de subvencións, e **autorización** ao Concello de Teo para que realice as comprobacións oportunas durante todo o período que dure o proceso, segundo Anexo II.

Documentación complementaria:

- ✓ Certificado que acredite o grao de minusvalía e/ou incapacidade nun grao igual ou superior ao 33% dalgún membro da unidade familiar, se procede.

- ✓ Certificado que acredite a situación de desemprego por un período superior a 6 meses durante o ano 2019 dalgún membro da unidade familiar, se procede.
- ✓ Documentación acreditativa da situación de familia monoparental ou de ausencia de ambos os dous proxenitores.

• **Cuarta. Lugar e prazo de presentación das solicitudes.**

- a) A solicitude presentárase no rexistro xeral do Concello de Teo, de luns a venres en horario de 8:00 a 14:00 horas, ou ben a través da sede electrónica (dispoñible durante as 24 h dos 365 días do ano), ou a través das formas establecidas no artigo 16.4 da Lei 39/2015, de 1 de outubro, do Procedemento Administrativo Común das Administracións Públicas.
- b) O prazo de presentación de solicitudes será de 20 días hábiles contados a partir do seguinte ao da publicación destas bases no Boletín Oficial da Provincia.

• **Quinta. Contía das bolsas**

O Concello de Teo aboará as bolsas aos beneficiarios que reúnan todos os requisitos previstos na base segunda e presenten a súa solicitude dentro do prazo establecido na convocatoria xunto coa documentación requirida na base terceira.

Os importes máximos das axudas de ensino, por alumno/a e curso serán os que se reflicten na táboa seguinte:

CURSO	IMPORTE DA AXUDA
EDUCACIÓN INFANTIL	100 €
1º A 6º DE PRIMARIA, 1º, 2º, 3º E 4º DA E.S.O, PCPI, e outras modalidades de ESO	100 €
ALUMNADO CON NECESIDADES EDUCATIVAS ESPECIAIS	150 €
BACHARELATO, F.P.	150€
UNIVERSIDADE, ENSINANZAS ARTÍSTICAS SUPERIORES	200€

Os importes das axudas de transporte, por alumno e curso determinaranse en función da situación do centro educativo, tal e como se indica na seguinte táboa:

DISTANCIA EN KMS	IMPORTE BOLSA
Centros situados fóra da área metropolitana de Santiago	200 €

- **Sexta. Valoración das solicitudes**

Na valoración das solicitudes teranse en conta a renda per cápita familiar e o exercicio fiscal 2018.

A renda per cápita familiar englobará os ingresos de todos os membros da unidade familiar divididos polo número de membros computables.

Para o previsto nestas bases considérase que compoñen a **unidade familiar**:

- Os pais non separados legalmente e, no seu caso, o titor ou persoa encargada da garda e protección do menor.
- Os fillos menores de idade, con excepción dos emancipados.
- Os fillos maiores de idade con discapacidade física, psíquica ou sensorial ou incapacitados xudicialmente, suxeitos á patria potestade prorrogada ou rehabilitada.
- Os fillos solteiros menores de vinte e cinco anos e que convivan no domicilio familiar a 31 de decembro do ano inmediato anterior a aquel no que comeza o curso escolar para o que se solicita a bolsa sempre que non tiveran un contrato de traballo ou percibiran recursos (agás bolsas) durante o ano 2019.
- No caso de familias monoparentais, para os efectos do cálculo da renda per cápita, incrementarase nun 0,8 o número real de membros que compoñen a unidade familiar. Considerarase familia monoparental aquel “*núcleo familiar composto por un único proxenitor ou proxenitora que non conviva con outra persoa coa que manteña unha relación análoga á conxugal e os fillos ou as fillas menores ao seu cargo, sempre que o outro proxenitor ou proxenitora non contribúa economicamente ao seu sustento*” (artigo 13 da Lei 3/2011). Para os efectos da *consideración da monoparentalidade*, e sempre que o fillo ou filla teña sido recoñecido por ambos/ambas proxenitores/as, no caso de non existir acordo xudicial algún no referido ao outorgamento da garda e custodia así como a atribución de pensión de alimentos en favor da/do menor estimarase como xustificación suficiente a declaración xurada do proxenitor/proxenitora/responsable legal solicitante, sen prexuízo de que a administración poida efectuar maiores comprobacións valéndose dos medios legalmente establecidos.



- No caso de ausencia de ambos os dous proxenitores, para os efectos do cálculo da renda per cápita, incrementarase nun 1,6 o número real de membros que compoñen a unidade familiar.
- Cando non exista vínculo matrimonial a unidade familiar entenderase constituída polo pai, a nai e todos os fillos dos pais que convivan con eles e que reúnan os requisitos do apartado anterior.
- No caso de separación ou divorcio, non se considerará membro da unidade familiar aquel que non conviva co solicitante da bolsa de axuda. En cambio, si terá a consideración de membro computable o novo cónxuxe ou persoa unida ao pai/nai e que si conviva co solicitante. A separación ou divorcio acreditarase mediante sentenza xudicial que determine a mesma, ou convenio regulador onde conste a custodia do menor (agás nos casos de custodia compartida).
- Os proxenitores separados legalmente ou divorciados con custodia compartida forman unha unidade familiar cos fillos que teñen en común.
- Nos casos de violencia de xénero, non se terán en conta os ingresos do agresor para determinar a renda per cápita da unidade familiar.

A valoración das solicitudes presentadas efectuarase segundo o seguinte cadro de puntuacións:

Renda per cápita familiar	Puntuación
De 0 € a 5.000 €	6
De 5.001 € a 6.000 €	4
De 6.001 € a 7.500 €	2

As rendas per cápita superiores a 7.500€ non terán dereito a axuda de ensino, nin de transporte. Ademais da renda per cápita teranse en conta as seguintes circunstancias sempre que se acrediten co correspondente certificado:

- a) Si algún membro da unidade familiar ten unha minusvalía igual ou superior ao 33%, puntuarase esta circunstancia con 2 puntos adicionais.
- b) Cando o pai/nai ou titor/a acrediten a situación de desemprego durante máis de seis meses no ano 2019 incrementarase a valoración con 2 puntos adicionais.

- **Sétima. *Importe máximo e crédito orzamentario***

O importe total para axudas de ensino e transporte prevese en **35.000 €**, e levarase a cabo mediante a tramitación anticipada de gasto que se imputará ao crédito do **exercicio 2020**, á aplicación orzamentaria 320/480.00, ao abeiro do establecido no artigo 56 do Regulamento da Lei Xeral de Subvencións (Real Decreto 887/2006, de 21 de xullo). De acordo co mesmo, a concesión das axudas queda condicionada á existencia de crédito axeitado e suficiente no momento da resolución da concesión.

- **Oitava. *Do procedemento de concesión das axudas***

Unha vez rematado o prazo de presentación de solicitudes, estas serán valoradas pola comisión avaliadora conforme aos criterios establecidos na base 6ª. Posteriormente publicarase no taboleiro de edictos do Concello unha lista provisional e abrirase un prazo de 10 días para subsanación de documentación. Transcorrido este prazo a Comisión emitirá unha proposta definitiva que será fiscalizada pola Intervención municipal e de seguido procederase á súa aprobación pola Xunta de Goberno Local así como á súa publicación no taboleiro de edictos do Concello.

- **Novena.-*Compatibilidade***

A percepción destas axudas será **compatible** coa percepción doutras coa mesma finalidade que se poidan percibir doutras administracións.

- **Décima.-*Comisión avaliadora***

A comisión avaliadora das solicitudes e documentación estará formada por:

- A concelleira de Educación
- A interventora municipal
- O técnico da Axencia de Emprego e Desenvolvemento Local.
- A auxiliar de servizos económicos.

- **Onceava.-*xustificación***

A documentación xustificativa presentarase no mesmo momento da solicitude.

- Xustificantes esixidos para as **axudas de ensino**:

ALUMNOS DE:	TIPO DE XUSTIFICANTE
PRIMARIA, INFANTIL E ESO	Facturas orixinais ou copias cotexadas que acrediten o gasto realizado en material escolar, libros ou contidos dixitais, ou no seu caso certificado do gasto en material expedido polo centro educativo
BACHARELATO, FP, PCPI, UNIVERSITARIOS, ENSEÑANZAS ARTÍSTICAS SUPERIORES, ALUMNADO CON NEE e alumnos que cursen ESO en centros distintos aos de Cacheiras e Pontepedriña, en modalidades que non existan nos anteriores.	Certificado de matrícula, ou resguardo de ter pagada a matrícula, selado pola entidade bancaria.

-Xustificantes esixidos para as axudas de transporte:

ALUMNOS DE:	TIPO DE XUSTIFICANTE
<ul style="list-style-type: none"> BACHARELATO, FP, PCPI, UNIVERSITARIOS, ENSEÑANZAS ARTÍSTICAS SUPERIORES 	Certificado de matrícula, ou resguardo de ter pagada a matrícula selado pola entidade bancaria.

• ***Disposición derradeira***

Concederanse as presentes axudas ata o límite orzamentario previsto na aplicación orzamentaria destinada para tal fin no Orzamento Xeral do Concello de Teo para o ano 2020 (como tramitación anticipada de gasto). De verse superada esta contía na valoración das solicitudes, priorizarase a concesión de axudas ás unidades familiares que obteñan maior puntuación na valoración das solicitudes. A igual puntuación, terán prioridade as solicitudes con menor renda per cápita.

Teo, 17 de outubro de 2019

A concelleira de Educación

Maria Josefa Argibay Silva

ANEXO I

**MODELO DE SOLICITUDE DE AXUDAS PARA O ENSINO E O TRANSPORTE -
CONVOCATORIA PÚBLICA COMPLEMENTARIA CURSO 2019/2020**

DATOS DO/DA SOLICITANTE (PAI/NAI-TITOR/TITORA/ ALUMNOS ENTRE 18 A 25 ANOS)

NOME E APELIDOS	
NIF	
ENDEREZO	
TELÉFONO	
IBAN:	CC:

DATOS DO/A ALUMNO/A

NOME E APELIDOS	
CURSO	
CENTRO DE ESTUDOS	

AXUDA SOLICITADA:	<input type="checkbox"/> AXUDA DE ENSINO
	<input type="checkbox"/> AXUDA de transporte fóra da área metropolitana de Santiago

- **DOCUMENTACIÓN OBRIGATORIA QUE SE ACHEGA** (marque cun x) (unha soa fotocopia para todas as solicitudes da mesma unidade familiar):

- Fotocopia do DNI do/da solicitante (pai/nai-titor/titora ou alumnado entre 18 e 25 anos.
- Fotocopia do libro de familia no que figuren todos os membros da unidade familiar.
- Declaración responsable do/da solicitante segundo Anexo II.

- Ingresos da unidade familiar (elixir a opción que corresponda): (unha soa fotocopia para todas as solicitudes da mesma unidade familiar):

- Fotocopia da declaración da renda (IRPF) 2018.
- Certificado da AEAT de non ter presentado a declaración no que se acrediten os ingresos obtidos no exercicio 2018
- Outra documentación xustificativa dos ingresos da unidade familiar.

• **DOCUMENTACIÓN COMPLEMENTARIA QUE SE ACHEGA** (marque cun x):

- Certificado que acredite o grao de minusvalía dalgún membro da unidade familiar (se procede).
- Certificado que acredite a situación de desemprego por período superior a 6 meses dalgún membro da unidade familiar (se procede) durante o ano 2019.
- Documentación acreditativa da situación de familia monoparental ou de ausencia de ambos os dous proxenitores.

• **XUSTIFICACIÓN OBRIGATORIA DAS AXUDAS DE ENSINO E TRANSPORTE:**

- Facturas orixinais ou copias cotexadas, ou certificado selado do gasto en material escolar, libros ou contidos dixitais, ou no seu caso certificado do gasto en material expedido polo centro educativo (alumnado de Primaria, Infantil e ESO)
- Certificado da matrícula expedido polo centro educativo (Bacharelato, FP e universitarios/as, ensinanzas artísticas superiores, PCPI e alumnado con NEE).

Teo,dede 2019

Asdo.:

SR. ALCALDE-PRESIDENTE DO CONCELLO DE TEO (A CORUÑA)

ANEXO II
DECLARACIÓN RESPONSABLE

D./D.^a _____, con
NIF/pasaporte _____, pai, nai, titor/a do/a, dos/das alumno/a, alumnos/as,
alumnos solicitantes de 18 a 25
anos _____

DECLARO:

- 1.-Estar ao corrente no cumprimento das obrigas tributarias e fronte á Seguridade Social.
- 2.- Non estar incurso/a en ningunha das prohibicións para obter a condición de beneficiario/a de subvencións públicas recollidas nos artigos 13 da Lei 38/2003, de 17 de novembro, Xeral de Subvencións e 10 da Lei 9/2007, do 13 de xuño, de Subvencións de Galicia.
- 3.- Estar ao corrente no cumprimento de obrigas por reintegro de subvencións.

AUTORIZO:

- Ao concello de Teo para que realice as comprobacións oportunas en relación cós apartados anteriores, durante todo o período que dure o proceso de concesión e pago das axudas para o curso 2019/2020

_____, _____ de _____ de 2019

Asdo.: _____

SR. ALCALDE-PRESIDENTE DO CONCELLO DE TEO (A CORUÑA)

Segundo.- Ordenar a publicación das citadas bases no Boletín Oficial da Provincia, así como no taboleiro de edictos do Concello e na páxina web municipal.

4.- PROPOSTAS DA ALCALDÍA.

Entrados neste punto non se presenta ningunha.

5.- ROGOS E PREGUNTAS.

Entrados neste punto non se presenta ningún/ha.

E non habendo máis asuntos que tratar, sendo as catorce horas e quince minutos, de orde da Presidencia, levántase a sesión, da que se estende a presente acta, do que eu, secretaria dou fe.

O alcalde

A secretaria xeral

Rafael C. Sisto Edreira

Virginia Fraga Díaz